

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski načelnik
Broj: 02/12-19-22446/24
Sarajevo, 18.10.2024. godine

Na osnovu člana 24. a), člana 28. i člana 70. Zakona o javnim nabavkama („Službeni glasnik BiH“, br. 39/14, 59/22 i 50/24) i člana 26. Pravilnika o javnim nabavkama roba, vršenju usluga i ustupanju radova broj: 02/12-45-25701/22 od 10.12.2022. godine i broj 02/12-04-21075/24 od 23.8.2024. godine, a na preporuku Komisije za javnu nabavku, Općinski načelnik donosi:

ODLUKU

I

Prihvata se ponuda grupe ponuđača „Manjo“ d.o.o. Sarajevo i „Balegem“ d.o.o. Gradačac sa ponuđenom cijenom za ugovor u iznosu od 141.204,00 KM bez PDV-a, odnosno 165.208,68 KM sa PDV-om u predmetu pregovaračkog postupka bez objave obavještenja o nabavci - „Izvođenje dodatnih radova na izgradnji vodovodne mreže u ulici Butilska u zoni rezervoara Donji Mihaljevići po Ugovoru br. 02/12-19-9962/23 – Ug.Br.1/23 od 22.9.2023. godine“.

II

Zadužuje se Služba za zajedničke poslove da obavijesti učesnika u pregovaračkom postupku o prihvatanju ponude, te da nakon isteka žalbenog roka pripremi ugovor i dostavi Općinskom načelniku na potpis.

Obrazloženje

Služba za investicije i komunalne poslove aktom br. 02/08-19-18086/23MR od 19.8.2024. godine podnijela zahtjev za pokretanje procedure pregovaračkog postupka za izvođenje dodatnih radova na izgradnji vodovodne mreže u ulici Butilska u zoni rezervoara Donji Mihaljevići po Ugovoru br. 02/12-19-9962/23 – Ug.Br.1/23 od 22.9.2023. godine, a jer je stručni nadzor ispred krajnjeg korisnika KJKP „Vodovod i kanalizacija“ d.o.o. Sarajevo konstatovao problem duplih priključaka sa lokalnog vodovoda i planiranog cjevovoda te tražio da se izvrši dodatno polaganje cjevovoda u dva pristupna kraka predmetne ulice koji imaju tehničke uslove da se snadbijevaju iz gradske vodovodne mreže Donji Mihaljevići, a na šta je stručno-tehnički nadzor Zavod za izgradnju Kantona Sarajevo dostavio saglasnost broj 03-4-3437/24 i 03-45-7755/24 od 13.8.2024. godine gdje se konstatuje da je nadzorni inženjer saglasan sa opisom datih pozicija, te da je neophodno izvođenje predmetnih radova da bi se radili priključci po osnovnom Ugovoru..

Na osnovu naprijed navedenog Služba za zajedničke poslove utvrdila je da su ispunjeni uslovi za pokretanje pregovaračkog postupka u skladu sa članom 24. (a) Zakona o javnim nabavkama. Shodno tome donesena je Odluka o pokretanju postupka javne nabavke br. 02/12-19-22446/24 od 17.9.2024. godine - „Izvođenje dodatnih radova na izgradnji vodovodne mreže u ulici Butilska u zoni rezervoara Donji Mihaljevići po Ugovoru br. 02/12-19-9962/23 – Ug.Br.1/23 od 22.9.2023. godine“. Procijenjena vrijednost nabavke shodno Odluci iznosi 141.408,10 KM bez PDV-a. Služba za zajedničke poslove je potom uputila poziv za učešće u pregovaračkom postupku broj 02/12-19-22446/24 od 18.9.2024. godine grupi ponuđača „Manjo“ d.o.o. Sarajevo i „Balegem“ d.o.o. Gradačac.

Zapisnikom o otvaranju ponuda od 26.9.2024. godine Komisija je konstatovala da je u predviđenom roku, u propisno upakovanoj koverti, pristigla (1) jedna ponuda grupe ponuđača: „Manjo“ d.o.o. Sarajevo i „Balegem“ d.o.o. Gradačac.

Komisija je izvršila analizu dostavljene inicijalne ponude br. 042-24 od 26.9.2024. godine i utvrdila da ispunjava formalno-pravne uslove utvrđene pozivnim pismom, te je nakon izvršene analize jediničnih cijena od strane stručnih tehničkih lica komisije pristupljeno postupku pregovaranja sa predstavnikom ponuđača, te je ponuđač pozvan da u roku od tri (3) dana dostavi konačnu ponudu.

Ponuđač je u ostavljenom roku putem protokola dostavio konačnu ponudu br. 042-A-24 od 27.9.2024. godine sa ponuđenom cijenom za ugovor u iznosu od 141.204,00 KM bez PDV-a. Komisija je izvršila računsku kontrolu ponude i konstatovala da nije bilo računске greške. Komisija je izvršila uvid u osnovni ugovor zaključen sa ponuđačem, te ugovore koji za predmet imaju slične radove, te su stručna tehnička lica Komisije mišljenjem broj 02/12-19-22446/24 od 18.10.2024. godine konstatovala da su sve jedinične cijene u skladu sa osnovnim ugovorom i trenutnim tržišnim cijenama.

Imajući u vidu navedeno, na preporuku Komisije za javne nabavke radova, a primjenom člana 28. i člana 64. stav 1. tačka b) Zakona o javnim nabavkama ("Službeni glasnik BiH" broj 39/14, 59/22 i 50/24), odlučeno je kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi BiH putem ugovornog organa u roku od 10 (deset) dana od prijema Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

Obradila: Anisa Bešagić, sekretar komisije

DOSTAVITI:

1. Ponuđaču u postupku
2. Služba za zajedničke poslove
3. Komisija za javne nabavke radova
4. U spis



Općinski načelnik

mr. Semir Efendić